

Pontu sira importante ba politika industrial Timor-Leste
Apresentasaun MCI iha Seminariu Kona-ba Industria Kiik Prosesamentu Agrikola
Organiza husi - Lao Hamutuk, Salaun João Paulo II Comoro, 22 Feveiru 2018

Intrudusaun

- Ita hotu hatene katak Governu Timor-Leste iha komitmentu ona ba agenda desenvolvimentu ekonomiku ida que ambisiozu, hanesan estipula ona iha Timor-Leste ninian planu estratejiku desenvolvimentu 2011-2030 (PED) rasik.
- PED fo visaun ba Timor-Leste atu tranzita an husi rendimentu baixu ba nasaun rendimentu mediu-alto iha tinan 2030.
- Timor-Leste tenki foti estratejia lais liu ka haksuit uituan atu desenvolve industria sira ne'ebe mak eziste ho fokus ba industrializasaun bazeia-ba-rekursus (*resource-based industrialization*) no tipu sira manufatureira foun.
- Politika industrial desenvolve tia ona husi tinan 2014 to 2018 husi Ministériu Komersiu no Industria. Esbosu dokumentu ne'e sei finaliza no aprova iha tempo badak.
- Governu sei aprova no implementa politika industrial bazeia-ba-rekursus atu hasae produsaun no oferta produtos Timor-Leste ninian nomos politika investimentu ida ne'ebe responde ba demanda oportunidades negosiu iha rai-laran.
- Politika industrial Timor-Leste nia fokus mak desenvolve industria manufatureira, atrai kompañia Internasional atu investe no hela iha Timor-Leste no absorve koñesementu no teknolozia avansadu hodi nune'e estimula sector manufatureira tanba precisa tebes apoiu ingineria, sasan konsumu, nomos atividades komplementasaun atu apoia sector estratejia sira ne'ebe mak identifika tia ona iha PED (por exemplu: agrikultura, turismo, mineiras, mina no gas nomos konstrusaun sivil).
- Politika industrial rekomenda duni fokus ba industrializasaun bazeia-ba-rekursus iha area sira hanesan **manufatureira ba agro-prosesamentu, hahan nomos bebidas**. Tipu industrializasaun sira hanesan ne'e sei utuliza planu governu ninian atau hasae produtividade no produsaun iha sector agrikultura.
- Governu sei desenvolve parke industrial iha Tibar nomos iha fatin seluk hanesan iha Kosta Súl ho facilidades uma ba kompañia industrial liu-liu atu atrai investimentu direita estranjeiru.
- Tipu negosiu ne'ebe mak MCI propoin iha parke industrial mak armajenamentu no logistiku (kargo, distribuisaun konsumu, cold storage etc.), prosesamentu material konstrusaun, **prosesamentu ai-han no embalagem ka packaging**, hadia kareta no makina, **prosesamentu agro-negosiu, ai no mobiliariu, prosesamento ikan**, produsaun plastiku no papel).

Ekonomia Timor-Leste nian

- Timor-Leste nia ekonomia depende makas liu ba mina no gas. No ekonomia actual mak ekonomia de konsumu ou consumptivu deit.

- IMF foin la-lais iha sira nia relatoriu dehan katak “pontu dezafius ne’ebe mak Timor-Leste hasoru mak oinsa atu atinje diversifikasaun ekonomika.¹”
- Desde iha tinan 2004, exportasaun mina no gas fo ona kontribuisaun liu 98% ba exportasaun.
- Timor-Leste depende makas tebes ba importasaun. Eskluindo mina, Timor-Leste projeta tia ona atu exporta miliaun \$23 deit ba sasan (bens)/servisus iha 2018 maibe sei importa miliaun \$820 ba sasan/servisus.
- Produtividade traballador ne’ebe mak baixu/kiak tebes hanesan problema bot ida ba Timor-Leste ninian kompetividade iha International. Maibe Timor-Leste bele resolve ida ne’e liu husi formasaun vokasional ne’ebe iha ona no hadia ambiente negosiu ninian.

Implementasaun balun ba politika industrial

- Iha tinan 2-3 liu ba, MCI liu husi programa subvensaun publika apoio ona grupo industria kiik sira hamutuk 1,326 iha teritoriu laran tomak ho actividades oi-oin por exemplu: ofisina, karpintaria, produsaun batako, tijolu, suku rounpa, produsaun be mos, prosesamento hahan local, rental, salon etc.);
- Grupo prosesamento agrikola hamutuk 144 ho actividades oi-oin por exemplu: masin, dulas haree, padaria, produsaun dosi, produsaun aqua, produsaun mina nuu, bani ben, kafe, kami, marmelada, yogart, keripik etc.);
- Grupo sira ne’e mos hetan assistensia husi IADE kona-ba formasaun negosiu no literasia finanseira nomos asesu ba kapital. Iha mos assistensia ba registo iha SERVE;
- Alende formasaun *business no financial literacy* nian, MCI oferese formasaun tekniku ba prosesamento ba ai-han ho valor adisional sira por exemplu: ai-farina transforma ba keripik etc.;
- MCI nia objectivu mak hasae rendemento membro grupo sira nian, kria empregu no redusaun pobreza iha area rural sira;
- MCI sei kontinua halo planu asaun ida konkreta implementa politika industrial.

Manufatureira

- Timor-Leste nia sector manufatureira kiik tebes.
- Manufatureira kontribui miliaun 18.1 USD ba ekonomia Timor-Leste nian iha 2016, 1.06% husi non-oil GDP.
- Se ita hare iha figura ida iha okos. Kontribuisaun manufatureira ba GDP Timor-Leste nian kiik liu kompara ho nasaun sira seluk iha ASIA. Manufatureira kontribui 30% ba Chinese nia GDP, 28% ba nasaun Thailandia nian.

¹ IMF nia artikel relatoriu ba da hat, iha online hela
<http://www.imf.org/en/Publications/CR/Issues/2017/12/07/Democratic-Republic-of-Timor-Leste-2017-Article-IV-Consultation-Press-Release-and-Staff-45447>

- Nasaun kambodia no Vietnam nia sector manufatureira rapidamente sae iha tinan 10 no 20 kotuk respetivamente. Entaun, nasaun rua ne'e sei mantein sira nia papel barak liu iha sector agrikultura.
- Tenki hare mos nasaun ne'ebe iha nivel baixu in termos manufatureira, nasaun Laos ninian sei kontribui deit 9% oituan deit iha Timor-Leste nia leten.




Figure 1 Regional comparison of manufacturing contribution to GDP

Dezafius iha manufatureira Timor-Leste

Timor-Leste hasoru bareira rua iha desenvolvimentu ba industria manufatureira nian (light manufacturing/manufaktur ringan/ fabricação leve):

1. Redi produsaun sira iha rejiaun ASEAN mak ponto determinante dudu industrializasaun iha South-East Asia. Kustu ne'ebe as, produtividade tun nomos kustu komersiu ne'ebe as entaun halo redi ka kadeia produsaun sidauk atrai mai Timor-Leste.
2. Ambiente negosiu ne'ebe mak sei fraku.

Vida moris iha Timor-Leste as liu/karun. Salariu minimu mos as liu kompara ho nasaun sira seluk iha ASEAN no ASIA por exemplu: Vietnam, Laos no Bangladesh. Timor-Leste precisamente atu kompete ho nasaun sira ne'e atu atrai investimentu iha sector manufatureira.

Tanba sa TL precisa halo industrializasaun?

- Evidensia laos hatudu deit katak industrializasaun ne'e liga deit ba kresimentu ekonomia, maibe manufactureira ne'e mos bele halao papel catalítico iha transformasaun estrutura ekonomia sosiadade agrarian nian.
- Manufactureira kontribui barak ona ba exportasaun iha mundu (72.3% of merchandise exports in 2016)
- Atrai Investidor Direita Estranjeiru (FDI) ne'e estratejia importante ba Timor-Leste atu hasae nivel produtividade. Ho FDI TL bele hadia nia produtividade liu husi transferensia koñesementu tekniku no jestaun, nomos abilidade husi kompañia estranjeiru ba kompañia no traballador nasional sira.
- Politika Industrial Timor-Leste nian mak desenvolve manufactureira komplementa ba sector estratejiku sira hanesan turismo, agrikultura, peskas, mineiras, mina no gas nomos konstrusaun sivil.